

## Evening Dogri (NSD)

01-12-2025

### खबरां

1. संसद दा स्याले आह्ला इजलास शुरू, प्रधानमंत्री नरेंद्र मोदी होरें आखेआ जे एहू इक संस्कार नेई, सगुआं एहू भारत गी विकास आहली बक्खी लेई जाने दे जत्तें गी उर्जा दिंदा ऐ।
2. विपक्ष आसेआ बक्ख-बक्ख मुद्दें गी लेइयै डंड-रौली पाने दे चलदे लोकसभा दी कार्यवाही दिन भरै लेई स्थगित होई।
3. विदेश मंत्री डॉ. एस. जयशंकर होरें इक मजबूत कुल संसारी जैव सुरक्षा ढांचे दा आह्वान कीता। उभरदे जैव आतंकवाद खतरे लेई खबरदार कीता।
4. इंदिरा गांधी अंतरराष्ट्री ब्हाई अड्डा भारत च पर्यावरण मुआफक होने दी वजह करी पाजिटिव दर्जा हासल करने आह्ला पैहला-पैहला ब्हाई अड्डा बनी गेआ ऐ।
5. N.P.C.I आसेआ जारी कीती गेदी रिपोर्ट मुजब नवंबर म्हीने यूपीआई लैन-देन च 32 फीसद दी बढ़ौत्तरी होई ऐ।
6. भारत दी पुरूष टीम साउदी अरब च होने आहले 2026 एएफसी अंडर-17 एशियाई कप लेई अपनी थाहर पक्की करी लैती।

<><><><><><>

### Winter Session

संसद दा सयाले आह्ला इजलास अज्ज शुरू होआ। 19 दिसंबर तोड़ी चलने आहले इस केह्ड़े इजलास च कुल 15 बैठकां होडना। अज्ज लोकसभा च पैहले रोज स्पीकर ओम बिरला होरें पिछले इजलास दे बाद पूरे होए दे सदस्यें गी श्रद्धांजलि भेंट कीती। ओह्दे मगरा प्रश्नकाल दरान विरोधी धड़ें दे मिम्बरें बक्ख-बक्ख मुद्दें गी लेइयै विरोध प्रदर्शन शुरू करी दित्ता जिंदे च एस.आई.आर यानि मुल्खै च सभनें मतदाता सूचिएं दी नमें सिरेआ जांच आहली प्रक्रिया, प्रमुख मुद्दा रेहा। बरोधी धड़ें दी डंड रौली दे चलदे स्पीकर होरें'गी संसद दी कार्रवाई कई बारी स्थगित करनी पेई, पैहले 12 बजे ते फ्ही 2 बजे तोड़ी ते ओह्दे बाद दिन भरै लेई स्थगित करी दित्ती गेई। इस्सै दरान खजाना मंत्री निर्मला सीतारमण होरें आबकारी टैक्स, सेहत सुरक्षा शुल्क ते मनीपुर च जीएसटी च तरमीमें सरबंधी बिल पेश कीते। तोआई, बडुलै

इजलास शुरू होने कोला पैहले प्रधानमंत्री नरेंद्र मोदी होरें मीडिया गी संबोधित करदे होई आखेआ जे संसद दा कोई बी इजलास छडी इक रस्मी रिवायत नेई होंदा, सगुआं एहू भारत गी विकास दी बत्तै पर अगड़े लेई जाने दे जत्तें गी उर्जा देने दा कम्म करदा ऐ जिसलै सब्बै सांसद किट्टे बेहियै नीतिएं ते योजनाएं पर सोच-विचार करदे न ते लोकें दी भलाई-बेहतरी ते मुल्खै दी तरक्की लेई सुझाएं-बिचारें राएं योगदान दिंदे न।



### Budget-Proposal

जम्मू-कश्मीर लेई 2026-27 ब'रे दा बजट तयार करने दी प्रक्रिया दे हिस्से दे तौरा पर खजाना मैहकमे नै अज्ज थमां बजट प्रस्तावें पर चर्चा करना शुरू करी दित्ता ऐ। आकाशवाणी दे जम्मू संवाददाता नै जानकारी दित्ती ऐ जे प्रशासनिक सचिवें गी दस्सेआ गेदा ऐ जे इस प्रक्रिया तैहत्त 36 बक्ख-बक्ख मैहकमें कन्नै चर्चाएं दा दौर 16 दिसंबर तोड़ी जारी रौहगा। इस सलाह सूत्र आहली प्रक्रिया च 2025-26 दे बी नमें सिरे दे अंदाजे कयाफें ते 2026-27 ब'रे लेई बजट अनुमान बी शामिल न। एहूदे कन्नोकत्री केंद्र आसेआ प्रायोजित स्कीमें ते प्रधानमंत्री विकास कार्यक्रम ते दोआर प्रावधानें सरबंधी राजस्व ते निवेश पैहलुएं पर बी तफसीली सोच-विचार कीता जा'रदा ऐ।



### RS-Oath

संसद दे स्याले आहले इजलास दा पैहला ध्याड़ा जम्मू-कश्मीर लेई इक महत्वपूर्ण मौका हा कीजे अज्ज कोई 5एं ब'रें दे वक्फे दे बाद केंद्र शासित प्रदेश दी नुमायंदगी राज्यसभा च दर्ज कराई गई ऐ। नेशनल कांफ्रेंस दे नमे चुनोए दे राज्यसभा मिम्बरें जिंदे च सज्जाद अहमद किचलू, गुरविंद्र सिंह आबराय उर्फ शम्मी आबराय ते चौधरी मोहम्मद रमजान शामिल न, नै अज्ज उप्परले सदन च औहदे ते राजदारी दी सगंध चुक्की। उपराष्ट्रपति सी.पी राधाकृष्णन होरें इनें नमें सदस्यें गी सगंध चकाई। हाल च होए दे राज्यसभा लेई चुनाएं च जम्मू-कश्मीर दिएं 4 सीटें चा त्रै नेशनल कांफ्रेंस नै जित्तियां जिसलै जे बीजेपी गी इक्कै सीट हासल होई ही। बीजेपी दे सत शर्मा होरं'गी पैहले गै सगंध चुकाई जाई चुकी दी ऐ। मुख्मन्त्री उमर अब्दुल्ला होरें अज्ज सगंध चुक्कने आहले त्रोंनें सांसदें गी ममारकबाद दिंदे होई मेद प्रगट कीती ऐ जे कामयाबी कन्नै ते असरदार ढंगगै'नै राज्यसभा च जम्मू-कश्मीर दी नुमायंदगी करडन।



## LS Manipur Bill

लोकसभ नै अज्ज मणिपुर माल ते सेवा कर-जीएसटी (दुआ संशोधन) विधेयक 2025 पारित करी दित्ता ऐ। विधेयक च मणिपुर माल ते सेवा कर अधिनियम 2017 च संशोधन दी बवस्था कीती गेई ऐ। केंद्री वित्त मंत्री निर्मला सीतारमण होरें केंद्र तरफा लागू जीएसटी दे 5 ते 18 फीसदी दे 2 नमें स्लैब दे मताबक मणिपुर च बी माल ते सेवा कर लागू करने दे मकसद कन्नै एहू विधेयक सदन च पेश कीता। एहू विधेयक अक्तूबर 2025 च जारी अध्यादेश दी थाहू लैगा। एहूदे च 5 ते 18 फीसदी दे 2 नमें स्लैब सने जीएसटी परिषद दे सारे फैसलें गी लागू करने दा प्रावधान ऐ। 56मीं जीएसटी परिषद नै 375 चीजें पर 5, 12, 18 ते 28 फीसद दी जीएसटी दर गी 5 ते 18 फीसद दे 2 स्लैबें च शामिल करी लैता ऐ। जीएसटी परिषद च केंद्र ते राज्य शामिल न।

<><><><><><>

## EAM-Biological

विदेश मंत्री डॉ. एस. जयशंकर होरें अज्ज जैव सुरक्षा गी मजबूत करने लेई फौरन वैश्विक सुधारें दा आह्वान कीता ऐ। मंत्री होरें नमीं दिल्ली च जैविक हथियार कन्वेंशन वैश्विक दक्खन लेई जैव सुरक्षा गी मजबूत करने दे 50एं बरें दे सम्मेलन गी संबोधित करदे होई एहू आखेआ। डॉ. जयशंकर होरें दस्सेआ जे वैज्ञानिक तरक्की, मौजूदा वैश्विक शासन ढांचे गी तेजी कन्नै अगगे बदारदी ऐ।

<><><><><><>

## IGI Water Positive Status

इंदिरा गांधी अंतरराष्ट्री ब्हाई अड्डा हर बरे 4 करोड़ शा मते यात्रिणं दी समर्थ आह्ला देशा च पानी दा सकारात्मक इस्तेमाल दा दर्जा हासल करने आह्ला पैहला-2 ब्हाई अड्डा बनी गेआ ऐ। इस उपलब्धि बारै बोलदे होई दिल्ली अंतरराष्ट्री ब्हाई अड्डे दे सीईओ विदेह कुमार जयपुरिया होरें आखेआ जे एहू उपलब्धि नेट जीरो ब्हाई अड्डे दे तौरा पर आई.जी.आई.ए दी स्थिति गी मजबूत करने दे लम्मी अवधि आहले विजन दी दिशा च इक मता महत्वै आहली गैंऽ ऐ।

<><><><><><>

## Nadda-Aids

सेहत ते परिवार कल्याण मंत्री जे.पी नड्डा होरें अज्ज विश्व एड्स दिवस दे मौके पर एच.आई.वी ते एड्स बारै समाज च बेहतर समझ दी जरूरतै पर लो पाई। अपनी इक सोशल मीडिया पोस्ट च नड्डा होरें इसी फैलने शा रोकने लेई एहदे उपाएं ते तुरत जांच दे महत्वै पर जोर दिता। उनें आखेआ जे एहू ध्याडा एचआईवी लागै सवां प्रभावित लोकें कन्नै हमदर्दी ते इकजुटता दस्सने ते एहदे फैलने गी लेइयै गलत भ्रांतिएं गी दूर करने दा मौका प्रदान करदा ऐ। नड्डा होरें इब्बी आखेआ जे एचआईवी बारै लोकें च बड्डे पैमाने पर ते असरदार ढंगै नै जागरूकता फैलाने, एड्स गी लेइयै समाजी सोच ते प्रभावित लोकें कन्नै होने आहली फर्कोफर्की गी खत्म सभनें गी सांझी जिम्मेदारी ऐ।



## EC-SIR

चनांस आयोग नै अज्ज आखेआ ऐ जे मतदाता सूचिं दी खास नजरसानी दे गेड-2 दे शुरू होने दे बाद थमां गै मतदाताएं च 50 करोड़ 83 लख शा मता गणना फार्म बंडेआ गेआ ऐ। एहू इस गेड च कवर कीते जाने आहले साफ-सुथरे 51 करोड़ मतदाताएं दा 90 इशारिया 7-2 फीसद बनदा ऐ। आयोग नै आखेआ जे अजे तगर तकरीबन 40 करोड़ फार्म दी प्रक्रिया दा डिजिकरण होई चुकेआ ऐ। मतदाताएं लेई एस.आई.आर यानि वोटें दी मतदाता सूची दी खास परतियै नजरसानी लेई 9 राज्यें ते त्रै केंद्र शासित प्रदेशें च इस सरबंधा च दुआ गेड पिछले म्हीने दी 4 तरीक थमां शुरू होए दा ऐ। एहू राज्य ते केंद्र शासित प्रदेश न छत्तीसगढ़, गोवा, गुजरात, केरल, मध्य प्रदेश,, तमिलनाडू राजस्थान, उत्तर प्रदेश, पच्छमी बंगाल, पुदुचेरी, लक्षद्वीप, अंडमान ते निकोबार द्वीप न।



## Prez. Footwear

राश्ट्रपति द्रौपदी मुर्मू होरें आखेआ ऐ जे भारत न सिर्फ आर्थिक विकास स्तर पर अगड़ा जा'रदा ऐ। उनें अज्ज नमीं दिल्ली च फुटवियर डिजाइन ते विकास संस्थान दे दीक्षांत समारोह गी संबोधित करदे होई एहू गल्ल आक्खी। राश्ट्रपति होरें आखेआ जे फुटबियर उद्योग माली ब'रे 2024-25 च 22 अरब 34 करोड़ रपे थमां मते दे निर्यात कन्नै अर्थ बवस्था च अपनी महत्वपूर्ण भूमिका निभा'रदा ऐ। राश्ट्रपति होरें सनातकें गी बधाई दिंदे होई आखेआ जे कुशल युवा विकसित भारत 2047 दे सुपने गी साकार करंगन।

## Nairobi-Geeta Jayanti

नैरोबी च भारती उच्चायोग दे मुजब इस्कान दे नुमायंदें ते विद्यार्थिं श्रीमद् भागवत गीता ते श्लोक जप पर प्रवचन दित्ते।



## UPI

युनिफाइड पेमेंट्स इंटरफेस-यूपीआई नै पिछले म्हीने 1 ज्हार 900 करोड़ रपे दे लैन-देन दा आंकड़ा पार करी लैता ऐ। एहू बाद्दा पिछले बरे दे लैन-देन दी गिनतरी च 32 प्रतिशत साल दर साल वृद्धि गी दर्शादा ऐ। एहूदे अलावा लैन-देन दी मुल्य च 22 प्रतिशत दी सलाना वृद्धि बी दर्ज कीती गई ऐ। भारती राश्ट्री भुगतान निगम एन.पी.सी.आई दे आंकड़े मुजब नवंबर च इक दिनै च औसतन लैन-देन 87 ज्हार 721 करोड़ रपे हा। नवंबर म्हीने च 68 करोड़ 20 लक्ख दा औसतन रोजाना लैन-देन 68 करोड़ 20 लक्ख हा जेहड़ा जे अक्तूबर म्हीने दे 66 करोड़ 80 लक्ख रपे दे लैन-देन कोला मता ऐ।



## PM-BSF Day

प्रधानमंत्री नरेंद्र मोदी होरें अज्ज बीएसएफ स्थापना दिवस पर सीमा सुरक्षा बल दे सभनें जोआनें गी मुबारक दित्ती ऐ। सोशल मीडिया पोस्ट च श्री मोदी होरें आखेआ जे बीएसएफ भारत दे अटल संकल्प ते बेहतरिन पेशेवर तौर-तरीकें दा प्रतीक ऐ। उनें आखेआ जे एहू बल मिसालजोग समर्पण भाव कन्नै सेवा करदी ऐ जेड़ी अनुमान किश सारें शा चुनौतीपूर्ण इलाकें च कम्म करदी ऐ। प्रधानमंत्री होरें बीएसएफ दे जोआनें दी मनुक्खी भावना दी बी बड़ेयाई कीती ते इसी असाधारण करार दित्ता। उनें इस बल गी राश्ट्र दी सेवा ते रक्षा दे बरोबर जत्ते च अपनी शुभकामनां दित्तियां



## PM-Gita Jayanti

प्रधानमंत्री नरेंद्र मोदी होरें श्रीमद् भागवत गीता दे आगमन कन्नै जुड़ी दी गीता जयंती पर देसै दे लोकें गी शुभकामनां दित्तियां न। सोशल मीडिया पर इक पोस्ट च श्री मोदी होरें आखेआ जे फर्ज दी पूर्ति बारै अनमुल्ले संदेसें कन्नै सजाए गेदे इस दिव्य शास्त्र नै भारती परौआर, समाजी ते आध्यात्मिक जीवन च बेहतरिन थाहर बनाई ऐ।



## Geeta Jayanti

अज्ज गीता जयंती मनाई जा'रदी ऐ। समकालीन समें च भागवद गीता दी कालयी प्रसांगिकता ते स्थाई बुद्धि पर चिंतन करदे होई दुनिया भरै च केई भारती कूटनीतिक मिशनें अंतरराश्ट्री गीता महोत्सव मनाया। केन्या च भारती हाई कमिशनर आदर्श स्वैका होरें केन्या च उनें संघें ते संगठनें दी बडेयाई कीती जेडे भागवद गीता दी पढाई च शामिल न।



## Football

फुटबाल च अहमदाबाद दे EKA अरिना च मर्दे दी 17 बरें थमां घट्ट बरेसू आहले एशियन कप 2026 क्वालीफायर च भारत नै जित्त हासल करदे होई 271 कन्नै जित्त हासल करादे होई चबातै च पाई दित्ता। इस जित्त कन्नै भारत नै साउदी अरब च होने आहले 2026 ए.एफ.सी अंडर-17 कप दा टिकट बुक करी लैता ऐ। केंद्री युवा मामले ते खेड्डु मंत्री मनसुख मांडविया होरें भारती टीम गी ऐतिहासिक जित्त ते ए.एफ.सी अंडर-17 एशियाई कप लेई क्वालीफाई करने लेई बधाई दित्ती।

